



Oos-Kaap

Summerwood Jeugkamp



6 Januarie – 12 Januarie 2014



Ons jaarlikse jeugkamp by Summerwood van 10 – 12 Januarie 2014 was soos in die verlede 'n groot sukses. Party van ons lede was so gelukkig dat hulle's ommer die hele week daar kon kamp. Dit was pragtige weer, 'n pragtige plek, vakansie-atmosfeer, goeie vriende..... Wat meer kan 'n mens dan vra?



Ons is veral trots op ons kinders wat self baie van die take gedoen het en op elkeen (jonk en oud) wat deelgeneem het aan die aktiwiteite. Ons was 47 karavane – waarvan 4 gaste was. Vrydagaand se boekevat is gedoen deur Lee Ann Bothma en Chené Engelbrecht. Daarna het die LAN aand begin en die jong klomp het letterlik deur die nag gespeel.





SAWA Oos-Kaap se lewensredders

Saterdag was die Watersport by die swembad en die twee spanne “Mamma Jack” en “The Minions” het mekaar die stryd aangesê. Ten spyte van ernstige kroekery deur die spelers en “beoordelaars” het die Mama Jack span met 1 punt gewen. Baie geluk julle – dit was groot sports! Saterdagmiddag was die swem gala en die kompetisie was sommer baie taai. By die meisies afdeling het die “Tuwwe Cookies” gewen en by die seuns was dit die “Damduikers”. In die Senior afdeling het ons 4 spanne gehad wat mekaar die stryd aangesê het. Tussen die “Lang Lelle”, “Slap Lelle”, “Krom Lelle” en “Bubbles” was dit uiteindelik die “Slap Lelle” wat wen met die “Krom Lelle” in die tweede plek. Ons is ook veral trots op ons “lewensredders/pop-pom girls” wat so pragtig geklee was vir die okkasie en so vinnig Tinkie van ‘n gewisse “versuip” kon red. Dankie, manne – julle laat ons sommer veilig voel!



Die volledige reddingspoging

Saterdagagaand se Boekevat is hanteer deur J.J. Swanepoel, Juandré Hall, Lize Strydom en Zelvóné Swanepoel. Sondagoggend het ons kerk gehou by die “Vetkoekpaleis” en daarna het die meeste mense nog lekker saam gekuier en gebraai vir oulaas!

Baie dankie aan elkeen wat hierdie kamp bygewoon het en bygedra het daartoe om dit ‘n groot sukses te maak. Baie sterkte aan elkeen vir die nuwe jaar met al sy uitdagings! Maak die beste van elke geleentheid en onthou ons moet die vetkoek met al sy verskillende vulsels (Ewangelie) met almal gaan deel want ons is Jesus se kelners in Sy Vetkoekpaleis!

Groete,

Zelda en Jacques Swanepoel